



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

Në mbështetje të nenit 12 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës nr. 28 e datës 4 qershor 2008, Ligjit Nr. 02/L-52 Mbi edukimin parashkollor dhe nenit 20 të Statutit të Komunës së Lipjanit 1Nr.110-623 i datës 26.09.2008, Kuvendi i Komunës në mbledhjen e mbajtur me 03. 03. 2016, pas shqyrtimit të propozim Vendimit të Kryetarit të Komunës miratojë këtë :

VENDIM

PËR LIRIM NGA PAGESA E TARIFAVE NË INSTITUCIONIN PËR EDUKIMIN DHE ARSIMIMIN PARASHKOLLOR PUBLIK NË LIPJAN TË NËNAVE VETËUSHQYSE PËR FËMIJËT E TYRE

Neni 1

Me këtë Vendim **LIROHEN** nga pagesa e tarifave për qëndrim ditor në institucionin për edukimin dhe arsimimin parashkollor publik në Lipjan, nënat vetëushqyese (kryefamiljare) të Komunës së Lipjanit për fëmijët e tyre nën moshën 6 (gjashtë vjeqare).

Neni 2

Si nëna vetëushqyese në kuptim të këtij Vendimi konsiderohen ato gra të cilave u ka vdekur bashkëshorti apo janë shkurorëzuar nga ai, ndërsa fëmijët kanë mbetur nën përgjegjësinë dhe kujdesin e tyre.

Neni 3

Për lirim nga pagesa e tarifave për qëndrim ditor, nënat vetëushqyese të cilat e kanë të nevojshëm dërgimin e fëmiut në institucionin parashkollor, duhet të parashtrojnë kërkesë pranë këtij institucioni duke i bashkëngjitur dokumentacionin si në vijim:

- a) Dëshmi vdekje - Certifikata e vdekjes së bashkëshortit.
- b.) Dëshmi mbi shkurorëzimin – Akvendimin mbi shkurorëzimin
- c.) Pavarësisht nga prezantimi i dokumentacionit në pikën a dhe b të këtij neni, nëse është e nevojshme organi do të hulumtojë edhe të dhëna të tjera, për të vërtetuar gjendjen e vërtetë faktike.

Neni 4

Me Vendim të Drejtorit të DKA-së formohet Komisioni me mandat tre vjeçar në përbërje prej tre anëtarëve dy anëtar nga DKA dhe një nga Institucioni për edukimin dhe arsimimin parashkollor i cili brenda afatit 8 ditor shqyrton kërkesën/kërkesat e parashtruara dhe i rekomandon Drejtorit të DKA marrjen e Vendimit për lirim apo refuzim të kërkesës.

Neni 5

Drejtori i DKA-së pas pranimit të Rekomandimit dhe shkresave tjera përcjellëse nga Komisioni i cekur në nenin 4 të këtij Vendimi brenda afatit 5 (pesë) ditor nxjerr Vendim për lirim nga pagesa e tarifës apo për refuzimin e kërkesës.

Neni 6

Për zbatimin e këtij Vendimi do të kujdeset Zyra e Kryetarit të Komunës, Drejtorati për Arsim Institucioni për edukimin dhe arsimimin parashkollor në Lipjan dhe Drejtorati për Buxhet dhe Financa.

Neni 7

Ky Vendim hyn në fuqi 15 ditë pas regjistrimit në Zyrën e protokolit të Ministrisë të Administrimit të pushtetit lokal si dhe publikimit në gjuhë zyrtare në faqen elektronike të Komunës.

15Nr. 400-11860
Lipjan, më 04. 03. 2016

KUVENDI I KOMUNËS SË LIPJAN

KRYESUESJA E KUVENDIT
Vlora Limani-Hajnuni

